



Universitätsbibliothek Paderborn

Formularium Episcopale

Barbosa, Agostinho

Coloniae Agrippinae, 1680

4. Super residentia Praelatorum, & aliorum curam animarum habentium, & residere debentium.

urn:nbn:de:hbz:466:1-10456

personaliter in eisdem beneficiis residere non tenerentur, & nihilominus interea omnes corundem beneficiorum fructus percipere possent, per ordinariam sanctitatis sue signaturam, seu Pœnitentiariæ sue officium dispensari sibique pariter indulgeri obtinuerunt, nullum in his vel fraudi, vel circumventioni locum, præsertim quo ad absentes à Romana Curia, de quorum qualitatibus facilis notitia habeti non potest, quantum humana ratione provideri potest, relinquere volens, Concilietiam Tridentini Decreto inhærendo, hujusmodi dispensationes, & indulta, hactenus concessa ac tam ipsius Pœnitentiariæ, quam Apostolicas, & alias desuper confessas, & conficiendas litteras, processusque habitos & habendos per easdem, dictis absentibus nullatenus suffragari, nisi singulorum ordinariorum locorum, in quibus singula beneficia hujusmodi consistunt, consensus gratis præstandus ad id accedat, Apostolica auctoritate declaravit, decernens irritum &c.

*Placet, publicetur, & describatur I.
Lecta & publicata fuit suprascripta
Regula Rome in Cancillaria Apostolica,
anno Incarnationis Dominicæ millesimo
quingentesimo sexagesimo quarto,
die vero Veneris vigesima quarta mensis
Novembris, Pontificatus prefati
S.D.N. Pape anno quinto.*

A. Lamellinus Custos

Super residentia Prælatorum, & aliorum curam animarum habentium, & residere debentum.

IV.

Part. 3. allegat. 53.

PIUS Episcopus, servus servorum
Dei, ad perpetuam rei me-
moriā.

IN supra militantis Ecclesiæ specula, meritis licet insufficientibus, divina dispositione constituti, cunctos non solum vigilantiae nostræ commissos Dominicos greges, sed etiam singulorum Pastorum suorum actus intensa nostræ mentis acie collustrantes, studium efficax, operumque sedulam ad hoc omnino statuimus adhibere; ut quemadmodum operosum Sacri Concilii Tridentini progressum, felicemque exitum, Domino cooperante præstitterimus, ita sanctissima illius decreta, ipsorum præsertim, qui in Apostolicæ sollicitudinis partem vocati sunt, Pastorum officium concernentia, non tepidè, neque dissimulantes exequamur. Sanè licet in Concilio præfato saluberrima fuerit ordinatio decreeum, quod omnes & singuli venerabiles fratres nostri, Patriarchæ, Primate, Archiepiscopi & Episcopi, & alii beneficiati, apud Ecclesiæ sponsas suas residere teneantur: nonnulli tamen (quod non sine animi nostri mero re referimus) adeo sui, que, quos olim deperditos, Salvator noster

noster proprio Sanguine redimere dignatus est, sibi creditorum oblii sunt, ut etiam nunc in alma Urbe, ut alibi commorantes, & sacrosancta spiritu-
lis matrimonii inter eos, suasque Eccle-
sias solemniter contracti, jura con-
fundentes; sponsas suas in longa quasi
viduitate relictas, ac prædictas Eccle-
sias quomodounque sibi concessas
invisere, & apud illas, ut probos &
providos patres familias decet, reside-
re non curent, in perditionem anima-
rum suarum, & subditorum suorum,
ac perniciosum exemplum, & scandalum
plurimorum. Nos hanc illorum
contumaciam alicujus, etiam tempo-
ralis pœna metu frangendam, seu con-
vincendam esse consentes, Motu pro-
prio, & ex certa scientia nostra, ac de
Apostolica potestatis plenitudine, omni-
bus & singulis Patriarchis, Primi-
bus, Archiepiscopis, & Episcopis præ-
fatis, ac aliis quibusunque, etiam qua-
vis auctoritate, dignitate, gradu, vel
præminentia præfulgentibus, prædi-
ctas Ecclesias in commendam, vel ad-
ministrationem, aut alio quovis nomi-
ne obtinentibus, & aliis quibusunque
beneficiatis curam animarum haben-
tibus, qui juxta decreti super residen-
tia in Concilio prædicto promulgati
tenorem, personalem in suis Ecclesias
residentiam facere tenentur, in virtute
sanctæ obedientiæ, & ultra pœnas in
dicto decreto Concilii contentas, eti-
m sub privationis eorum à regimine, &
administratione Ecclesiarum suarum,
ac aliis nostro, & pro tempore existen-
tis Romani Pontificis successoris no-

stri, arbitrio imponendis pœnis, di-
strictè præcipiendo per Apostolica
scripta mandamus, quatenus omni
hora cessante, in eisdem suis Ecclesias,
juxta formam & tenorem dicti Conci-
lii personaliter resideant. Et nihilominus,
si quos mandato nostro hujusmo-
di (quod absit) non parere contigerit,
nec etiam tales absentes melioris in hac
parte conditionis, quam cæteri in suis
Ecclesias residentes existant, hac nostra
perpetuò valitura sanctiōne per præ-
sentes statuimus, & ordinamus, quod
deinceps omnia, & singula mobilia, &
immobilia, etiam in Urbe, vel ejus di-
strictu existentia, & se moventia, res &
bona, jura, & actiones cujuscunque
qualitatis, quantitatis & valoris, ac u-
bicunque locorum consistant, ad Pa-
triarchas, Primates, Archiepiscopos,
Episcopos, & alios quoscunque, etiam
quavis auctoritate, dignitate, gradu &
præminentia præfulgentes, Ecclesias
prædictas in titulum, vel commendam,
sive administrationem, aut alio quo-
vis nomine obtinentes, & alios quos-
cunque beneficiatos curam animarum
habentes, qui extra prædictas Eccle-
sias, & dioceses, etiam in Romana
Curia, aut alibi degentes, & juxta de-
cretum, & formam Concilii hujusmo-
di non residentes decesserint, perti-
nentia, & per illos suarum Ecclesiarum,
ac quoruincunque monasteriorum,
Prioratum, Præpositurarum, aliorum
beneficiorum Ecclesiastico-
rum, cum cura, & fine cura, sacerdotalium,
& Regularium, quæ illi quomo-
dolibet obtinuerint, ac fractuum red-
dituum

dicuum, proventuum Ecclesiastico-
rum; nec non pensionum annuarum
sibi super similibus fructibus, redditibus,
& proventibus reservatarum, &
assignatarum occasione quæsita, etiam
facultatem specialem de illis, aut
eorum parte testandi & alias libere
disponendi, a nobis, & quibusvis aliis
Romanis Pontificibus prædecessori-
bus, & successoribus nostris, etiam
cum clausulis, quod facultates hujus-
modi revocari nequeant, aliisque irri-
tantibus decretis obtinuerint, & in
vim illarum litterarum desuper con-
fectorum de rebus & bonis hujusmo-
di jam disposuerint; tanquam spolia ad
Cameram Apostolicam legitimè per-
tineant, liceatque dilectis filiis moder-
no, & pro tempore existenti Com-
missario nostro generali, & suis, dictæ
que Cameræ deputatis, in eventum
decessus hujusmodi, solitum inventa-
rium super rebus, & bonis præfatis
confidere, illaque prout de reliquis
Clericorum spoliis fieri solet, ad dilec-
ti filii nostri moderni & pro tempo-
re existentis generalis Thesaurarii ma-
nus redigere, dictæque Cameræ ap-
plicare, cujusvis licentia desuper mini-
mè requisita. Ac facultates, & desu-
per confessas litteras prædictas, etiam
motu & scientia similibus, etiam in
recompensam laborum, & obsequiorum,
etiam nobis, & Ecclesia Romanæ
dictæque Sedi impensorum, quomodo-
libet concessas, & etiam iteratis vi-
cibus approbatas, illorum omnium
tenores, præsentibus pro sufficienter
expressis, & ad verbum insertis haben-

tes, eventum obitus hujusmodi, etiam-
si in Urbe, aut ejus districtu, vel alibi
extra suas Ecclesias, ut præfertur, con-
tingerit, ex nunc, prout ex tunc, & è con-
tra, id dictæ contumacie pœnam, e-
jusdem potestatis plenitudine, & teno-
re revocamus cassamus & annullamus;
ac tam eas, quam earum prætextu
quomodolibet pro tempore condita,
factaque testamenta, codicillos, lega-
ta, donationes & alias dispositiones
quaslibet, etiam ad pias causas, vel in
remunerationem servitorum, nulla &
invalida, nulliusque roboris, vel mo-
mentifore, neque quidpiam contra
præsentium tenorem suffragari: Et sic
per quoscunque judices, & Commis-
sarios, quavis auctoritate fungentes,
etiam S. R. E. Cardinales, in quavis
instantia, sublata eis, & eorum cuiilibet,
quavis aliter judicandi, & interpre-
tandis facultate, judicari, & defeniri de-
bere: ac quidquid secus à quoquam
quavis auctoritate, scienter, vel igno-
ranter attentari contingit, irritum &
inanè decernimus. Per hoc autem po-
steris nostris, & Romanorum Pontifi-
cum Prædecessorum nostrorum Ordina-
tionibus, reservationibus & decretis,
quò ad Prælatorum, & aliorum bene-
ficiorum, etiam in suis Ecclesiis aut
diœcesibus residentium, & ibi dece-
dientium, quæ etiam amiamus, & ex-
tendimus ad habentes Ecclesias in Up-
bis districtu, ibique residentes, & de-
cedentes, spolia Cameræ Apostolicæ
applicata, haec tenus emanatis, nullaten-
tus præjudicare, neque quidquam in
eis alterare intendimus, sed ea in suo
robore

robore, ut ante, manere volumus, præterquam quo ad eos, qui in suis Ecclesiis juxta formam prædicti Concilii resederint, & specialem licentiam testandi habuerint: hanc enim tantum salvam eis esse volumus; ita ut generalis licentia testandi eis, quanquam residentibus, minimè suffragetur; sed sola speciali, si quam habuerunt, tueri se possint. Cæterum ut præceptum, mandatum, statutum, ordinatio, revocatio, cessatio, decretum & alia præmissa, præsentesque litteræ ad eorum, quorum interest, notitiam deducantur, nullusque possit aliquam illorum ignorantiam prætendere, vel excusationem allegare, sed illa perpetuo firma, & illibata permaneant, volumus & mandamus, quod eadem præsentes in Basilicæ Principis Apostolorum de Urbe, & Cancellariæ nostræ Valvis, ac acie Campi Floræ per aliquem ex Cursoribus nostris affixa, copia illarum ibi dimissa, ab ea die omnes perinde arctent, ac si illis personaliter intimata fuissent. Non obstantibus præmissis, ac in favorem Curialium per fel. rec. Xistum Quartum, Leonem Decimum, Julium Tertium, & quoscunque alias Rom, Pontifices prædecessores nostros, ac etiam per nos editis & approbatis, nec non aliis litteris, constitutionibus & ordinacionibus Apostolicis, cæterisque contrariis quibuscumque. Nulli ergo omnino hominum liceat, hanc paginam nostri præcepti, mandati, statuti, ordinacionis, revocationis, cessationis, annulationis, decreti, ampliationis, extensio-

nis, intentionis, & voluntatis infringere, vel ei ausu temerario contrarie. Si quis autem hoc attentare præsumperit, indignationem omnipotens Dei, ac beatorum Petri, & Pauli Apostolorum ejus se noverit incursum. Datum Romæ apud S. Petrum, anno Incarnationis Dominicæ millesimo quingentesimo sexagesimo quarto, septimo Kalendas Decembr. Pontificatus nostri anno quinto.

Cæs. Glorierius

Vita de Curia D. de Enciso

H. Cumyns.

De residentia vide Bull. 5. 17. & 64.

Super executione Concilii, & literarum D. Pii IV, contra Archiepiscopos, & Episcopos, & Prælatos, & alias personas Ecclesiasticas non residentes in eorum Ecclesiis.

V.

Part. 3. allegat. 53.

PIUS PAPA IV

Motu proprio &c. Cum tam per Sacrosanctum Oecumenicū Concilium Tridentinum, quam etiam per nostras litteras, sive bullas etiam desuper emanatas, & inter alias sub Datum

V

Romæ